



# БЛАГОВѢСТНИК

РОЧНИК VII. \* ЧИСЛО 1. \* ЯНУАР 1927.

ОТВѢЧАТЕЛЬНЫЙ РЕДАКТОР: О. ЕМИЛІЯН БОКШАЙ

## СОДЕРЖАНИЕ:

Гимнъ на честь Христа-Царя. —  
Де знайти правду? — 1. Нещастный  
забѣглець. — 2. Розмова про обрядъ  
Русиновъ. — Въ оборонѣ вѣры.  
— Мѣсячное намѣреніе на Януаръ.

— Изъ свѣта и Церкви — Дописи.  
— Новости. — Къ нашимъ читателямъ. — Публична поляка. — Переписка редакції.

ВЫДАЕ ВЫДАВНИЦТВО ЧИНА СВ. ВАСИЛІЯ ВЕЛ. В УЖГОРОДЪ

из КНИГОПЕЧАТНИ ОО. ВАСИЛІЯН В УЖГОРОДЪ, УЛ. РАКОВЦЯ ЧИСЛО 52.

Заложуйте свои вкладки до Централи або до філіялів

# ПОДКАРПАТСКОГО

Стан вкладок:  
Кч. 30,000.000.

БАНКА

Резерви:  
Кч. 610.000.

ФІЛІИ:

**МУКАЧЕВО, ХУСТ, ПРЯШЕВ.**

В всяких финансовых и господарских дѣлах доставить Вам скору,  
точну и бесплатну пораду

**ПОДКАРПАТСКІЙ БАНК В УЖГОРОДЪ**

Своими заощадженными гелерами при добром опроцентованю капи-  
тала подпирайте свой народный

**ПОДКАРПАТСКІЙ БАНК В УЖГОРОДЪ**

Свой до свого! Истинно народна, руська и славянска институція є  
**ПОДКАРПАТСКІЙ БАНК В УЖГОРОДЪ**

Пересилки доляров до Америки з дозволом Банковного Уряду выконує  
**ПОДКАРПАТСКІЙ БАНК В УЖГОРОДЪ**

Переказы до Галичини, Польщъ и до других держав Европы и Аме-  
рики выконує найвыгоднѣйше

**ПОДКАРПАТСКІЙ БАНК В УЖГОРОДЪ**

Америцкѣ десеквестраціѣ, асекураціѣ и компензаціѣ за померших  
в Америцѣ переводить

**ПОДКАРПАТСКІЙ БАНК В УЖГОРОДЪ**

За вкладки (льокації) ощадностей и капитала платить наш  
**ПОДКАРПАТСКІЙ БАНК В УЖГОРОДЪ 5%—6%.**

Подорожну канцелярію, продаж желѣзнодорожных карточок на цѣлу  
территорію Чсл. Республики и до всѣх сторон свѣта має

**►► ПОДКАРПАТСКІЙ БАНК**

**в Ужгородъ, площа Масарика ч. 11.**

# БЛАГОВѢСТИНИКЪ

ДУХОВНА ГАЗЕТА ДЛЯ ПОДКАРПАТСКИХЪ РУСИНОВЪ

Выходитъ 1-го кождого мѣсяца.

## Адреса

Редакціѣ, администраціѣ и експедиціѣ :  
Выдавництво Чина св. Василія Великого  
въ Ужгородѣ, улиця Ракоціи число 52.

## Предплата:

Въ Республіцѣ на цѣлый рокъ 10 Кч.,  
за гравицію 17 Кч. ... До Америки 0·50 (попъ) дол.  
Одно число „Благовѣстника“ стоить 1 Кч.

РОЧНИКЪ VII.

ЧИСЛО 1.

ЯНУАРЬ 1927.

## ГИМНЪ НА ЧЕСТЬ ХРИСТА-ЦАРЯ.

(Спѣвається якъ: „Пливи свѣтами пѣсне любови“)

Най же лунае могуча пѣсня,  
На честь и славу Христа-Царя,  
Творца и Бога цѣлого свѣта,  
Душъ нашихъ Спаса, Володаря.

Витай намъ, Царю надъ всѣмъ Сіономъ,  
Престолъ Твой, Боже, по всѣ вѣки;  
Днесъ свѣтъ до Тебе спѣшить зъ поклономъ,  
Бо надъ всѣмъ свѣтомъ — Царемъ лишь еси!

Пречистой Дѣвѣ, Архангель зъ неба,  
Звѣстивъ давно вже волю Отца,  
Что Ты одержиши престолъ Давида,  
Что Твому Царству не е конца.

Пануй надъ нами, Предвѣчный Царю,  
Во каждой хвилѣ, во каждый часъ,  
Бо Ты любовою въ Твоемъ терпѣню,  
На вѣчну властность купивъ всѣхъ нась.

Твоя наука, святѣ законы,  
Кермують мудро свѣтомъ цѣлымъ;  
До Бога ѹ щастя ведуть мілліоны,  
Путемъ безпечнымъ, путемъ святымъ.

Земля и небо, все величають,  
Тебе, якъ свого Творца и Царя,  
Но Твоимъ Царствомъ, надъ все краснѣйшимъ,  
Се людске сердце, людска душа.

Предвѣчный Царю, будь же на вѣки,  
Единымъ Паномъ усѣхъ людей,  
Чтобы безвплинна до Твого Трону,  
Плила пѣснь славы зъ людскихъ грудей.

Витай намъ, Царю надъ всѣмъ Сіономъ,  
Престолъ Твой, Боже, по всѣ вѣки;  
Днесъ свѣтъ до Тебе спѣшить зъ поклономъ,  
Бо надъ всѣмъ свѣтомъ Царемъ лишь Ты!

О. АНДРЕЙ ТРУХЪ, ЧСВВ.

## Де знайти правду?

Написавъ свящ.: ТЕОДОЗІЙ ЛЕЖОГУБСКІЙ.

### 1. Нещастный збѣглець.

Было се года 1916. Въ Карпатахъ стояла война зъ москалями. Фронтъ австрійко мадярскій лежавъ одѣ села Р. на 5 километровъ. Въ селѣ было великоѣ зворушения; никто не знавъ что буде завтра. Всѣ зъ напруженемъ чекали выслѣдъ битвы въ горахъ. Люде якъ разъ выходять изъ церкви. Недѣля. Еще мало постойковали коло церкви, а потомъ поспѣшили до дому.

О. Петро, духовникъ послѣдній оставить церковь. Скромный, побожный священникъ, всѣ селяне люблять его. Якъ выступае изъ церкви приступить до него церковникъ и скаже:

— Отче духовный, люде говорять, что въ ночи одень пораненый воякъ изъ россійского войска перелазивъ черезъ нашъ фронтъ и тамъ лежить на конци села, коло дороги въ корчахъ.

— Тяжко пораненый? Бо если такъ, та спѣшу его высповѣдати. А вы Иване зайдѣть на фару и прикличете моего сына Богдана. Най принесе зъ собою перепаску, може треба буде обязати рану.

У короткій часъ тамъ были коло хворого. Тамъ уже зобрався гуртъ людей. Подъ деревомъ лежавъ молодый чоловѣкъ, лѣтъ двадцяти. Коло него червенѣла калужа крови. Блѣдое лице, указовало на интеллигентного чоловѣка, а замкненѣ очи та затисненѣ уста, казали догадоватися, что нещастный терпѣвъ дуже тяжко.

Богданъ приступивъ близше и одгорнувъ одежду. Высше колѣна виднѣла глубока рана. Карабинова куля перейшла скрозь тѣло. Богданъ обмивъ рану и наложивъ полотняну перепаску. Въ часѣ сеѣ роботы хворый застогнавъ тяжко и отворивъ очи.

— Рана глубока; куля перейшла на скрозь, але здається не нарушила мязей — говоривъ Богданъ до отца. — На всякий случай треба хворого перевести до села.

— Болить вамъ рана? — питався его о: Петро.

— Болить. Куля поцѣлила мене въ ногу та я ледвы мавъ только силы, чтобы доволѣкся сюди.

А чимъ Вы зaimалися въ Росіѣ — питавъ дальше о. Петро.

— Я семинаристъ. Я бывъ на послѣдномъ роцѣ духов. семинарії.

— А чому Вы не скончили духовноѣ семинарії? — запитавъ знова о. Петро.

Хворый ничѣ не одповѣвъ, только изъ его грудей добывся тяжкій стогонъ. Онъ замкнувъ очи, не знати, ци изъ великоѣ утомы, ци тому, чтобы перервати дальшѣ пытаня.

Въ томъ надойшовъ возъ изъ села. Хворого положили обережно на выстеленомъ соломою возѣ и цѣлый грутъ людей подався въ напрямѣ до села.

По дорозѣ сказавъ о. Петро до старосты.

— Завевѣть его на фару, мы выпрячемъ хатинку, что стоить въ садѣ и тамъ помѣстимъ его. Ale на всякий случай дайте знати до войскового команданта.

За якоѣ повъ години повольноѣ ъезды прїшли на фару. Войсковый урядникъ списавъ зъ хворымъ протоколь и запытавъ о. Петра, ци має его одставити до повѣтового шпиталя, ци о. Петро задержить его у себе. Отець Петро, по нарадѣ зъ своею жонкою, рѣшився задержати хворого у себе, на что радо згодився и урядникъ.

Першу ночь перевѣвъ хворый дуже тяжко. Въ горячцѣ зрывався не разъ зъ постель и говоривъ якъсъ незрозумилъ, поодинокѣ слова. Та на нихъ не звертавъ никто уваги. По якимъ тыждни горячка змалѣла, хворый зачавъ приходити до себе.

О. Петро и Богданъ дуже часто заходили до комнати хворого, але ихъ нащивы были короткѣ, бо хворый не проявлявъ ни найменшѣ охоты до розмовы. Звычайно мовчавъ, а коли и промовивъ яке слово, то такъ рѣзко и непривѣтно, что каждого, кто хотѣвъ зъ нимъ поговорити, одбѣгала сейчасъ до сего охота. Неразъ бывало и такое, что коли о. Петро входивъ до комнаты, хворый замикавъ очи та удававъ, что спить, чтобы только не одповѣдати на пытаня.

## 1. Розмова про обрядъ Русиновъ.

Якось въ три тыжднѣ по нещастной пригодѣ вийшовъ о. Петро до комнаты хворого. По звычайныхъ словахъ привитаня, сѣвъ на креслѣ пеля постели хворого и зачавъ зъ нимъ розмову. Звѣдався про рану, про степень горячки, про сонъ. Хворый одповѣдавъ поодинокими словами. Розмова якось не ішла добре. Видно было, что оба мають чтось на сердци та ни одинъ, ни другій не хотѣвъ зъ симъ вийти першій. Настала мовчанка, яку въ конци перервавъ хворый.

— Вы уніять, — сказавъ онъ звертаючись до о. Петра, — А сказавъ се якось такъ нагло, такъ скоро, якъ бы боявся своихъ властныхъ словъ. Въ сихъ словахъ было чути и злость и ненависть и страхъ и цѣлу вязанку почуваня, якъ уже не одъ нынѣ зворушовали умъ хворого.

— Такъ! Я каѳоликъ восточного, т. е. греческого обряду — одповѣвъ о. Петро.

— Якій тамъ у васъ греческій обрядъ? Вы его зовсѣмъ скоротили и змѣнили — одповѣвъ зъ злостию хворый.

— Ни, брате — одповѣвъ спокойно о. Петро. — Нашъ обрядъ, се справдѣ греческій обрядъ, той самъ, якого придерживалися грецкѣ Отцы Церкви якъ, св. Іоанъ Золотоустій, св. Василій Вел., св. Григорій и ишѣ. Нашъ обрядъ въ деякихъ частяхъ заховался навѣть чистѣйшій, якъ въ нынѣшній греческой Церкви. Примѣромъ, въ Греческой Церкви мало де одправляється проскомидія въ Службѣ Божої, меже тымъ якъ у насъ не опускається изъ неѣ ани слова. Въ самой Службѣ Божої не змѣнено у начъ ничего, а навѣть задержано багато такого, что середъ теперѣшныхъ обставинъ е зовсѣмъ злишнімъ. Отъ хоть бы возваніє оглашенніхъ, чтобы опустили Церковь передъ Литургіею вѣрныхъ, або слова: „Двери, двери, премудростію воікимъ“, якъ въ першихъ вѣкахъ христіянства били не чимъ иишимъ, якъ визваніемъ до стереженя дверей передъ нападомъ поганъ. А все то задержано изъ великої почести для святого обряду. Мы дуже цѣниме нашъ греческій обрядъ и любиме его такъ, что за ничто въ свѣтѣ не покинули бы его. Такъ якъ мы есьме дѣтми каѳолическої Церкви, такъ есьме и вѣрнѣ своему греческому обрядови, а се, что Вы говорите, что нашъ обрядъ есть змѣнений, то говорите тому, что Вы его не знаете.

Зато, что папы управляли вашою Церковію, вашъ обрядъ є цѣлкомъ замѣнений — перебивъ хворый.

— Не такъ оно е, якъ вы кажете — одповѣвъ о. Петро — бо я Вамъ скажу, что папа Урбанъ VIII. сказавъ выразно: „Я хочу, чтобы всѣ стали каѳоликами, а не латинниками“, значиться папы, якъ головы цѣлої Церкви, хотять, чтобы всѣ стали каѳоликами, то е, исповѣдали правдиву вѣру, але радо позволяютъ каждому лишитися при своемъ обрядѣ.

— Та інша рѣчъ, что въ нашомъ обрядѣ заведено деякѣ новѣ Богослуженія, якихъ давнѣйше въ греческомъ обрядѣ не было, але се зроблено неproto, чтобы змѣнити обрядъ, а proto, что такое Богослуженіе было потрѣбное и показалося дуже хосеннымъ.

— Я догадаюся, о что Вамъ ходить. Вы чули, что въ нашомъ обрядѣ розвинулося особенно почитаніе Найсв. Тайнъ, Богослуженіе въ маю въ честь Пр. Дѣви та набоженство до Найсв. Сердца Іисусового.

— Але черезъ тѣ набоженства нашъ восточный обрядъ не переставъ зовсѣмъ быти восточнымъ. Не только латинскій обрядъ має право запроваджовати у себе новѣ Богослуженія, одновѣдно до потребъ часу, але и греческій. Тѣ самѣ права, якѣ має обрядъ латинскій, має и обрядъ греческій. Вводивъ, вводить и буде вводити латинскій обрядъ новѣ Богослуженія, вводивъ, вводить и буде вводити новѣ Богослуженія и греческій обрядъ, але черезъ се, ни латинскій не перестане быти латинскимъ, ни греческій, греческимъ.

— Впрочемъ не лише въ латинскомъ обрядѣ е Іисусъ Христосъ присутній въ Найсв. Тайнѣ Евхаристії, але и въ греческомъ, притомъ вѣрникамъ греческого обряду покланятися Ему такимъ самymъ набоженствомъ, якъ и вѣрникамъ обряду латинского.

— Тою самою любовію горѣло Найсв. Сердце Іисусове до вѣрниковъ греческого, якъ и латинскому обряду, та вольно однимъ и другимъ почитати Его такимъ самимъ набоженствомъ.

— Пречиста Дѣва Марія е матерю для вѣрниковъ греческого и латинского обряду и тому однѣ и другѣ добре роблять, коли найкрасшій мѣсяцъ въ роцѣ, май, посвячують въ Еѣ честь и особенными Богослуженіями почитаютъ Еї.

— Приведу я вамъ оденъ примѣръ. Видить нашъ чоловѣкъ, что доси съявъ зерно рукою, а Нѣмець, ци Француэль съе съвачкою. Думає собѣ: „Се пустое! Де онъ такъ розсіе съвачкою, якъ я рукою“. Але коли увидѣвъ, что зерно Француза сходить якъ щѣтина, пошовъ и купивъ собѣ съвачку. Ци онъ зробивъ зле? Нѣть, кождый скаже. Онъ зробивъ мудро и бывъ бы самъ собѣ ворогомъ, коли бы сего не зробивъ. Еще и „Спаси Богъ“ скаже Французови, что таку машину выдумавъ.

— Такъ само й зъ св. обрядомъ. Нашъ Отцы Церкви, нашъ епископы, якъ про то только и дбають, чтобы люде ставали чимразъ побожнѣйшъ, роздумовавши та обговоривши разомъ справу скажутъ: „Добре буде и у насъ завести таку одправу“. Якъ бы то такъ мы взяли якусь латинску одправу, и такъ якъ она е, отправляли еѣ въ нашихъ церквахъ, тогды было бы се справдѣ змѣненія греческого обряду. Але такого случаю иема у насъ ни одного.

— А впрочемъ скажу Вамъ, брате, что и россійскѣ епископы позаводили такожъ деякѣ звычаѣ изъ латинского обряду. На примѣръ пѣсню: „Тебе Бога хвалимъ“, яку уложивъ св. Амвросій, епископъ медіоланскій, або пѣсню: „Къ кому возопію, Владыко“, ровно походження латинскаго, а навѣть уложену здаєся членомъ Чина Езуїтовъ. А колько то пѣсень, взятыхъ изъ латинскаго обряду, спѣвається нынѣ по вашихъ мужескихъ, а передовсѣмъ по женочихъ монастыряхъ. Я чувъ навѣть, что въ деякихъ парохіяхъ, что лежать на границѣ Галичини, позаводжено и майскѣ Богослуженія. А зато не скажете, что вашъ епископы хотять златинщити греческій обрядъ.

— А московскій патріярхъ Никонъ, что зробивъ зъ давніми богослужебными книгами, уживаными въ россійской Церкви? Онъ видѣвъ, что не то, что въ іншихъ книгахъ, але навѣть въ св. Евангелію та Апостолѣ было много похібокъ та змѣнь, то зачавъ ихъ справляти. Да что справивъ, а въ іншихъ мѣстахъ богато пропускавъ, або пододававъ. Въ св. Літургії поскорочовавъ богато молитвъ. Тогды то и повстали въ россійской Церкви „Старообрядовцѣ“, якъ не хотѣли приняти сихъ новыхъ, „справленныхъ“ книгъ.

— Не така была давнѣйша Літургія греческа, якъ она е нынѣ въ россійской Церкви. Ученый митрополитъ московскій Филаретъ, ось что пише про московское Богослуженіе: „Мы (е россійске духовенство) за мало дбаеме про то, чтобы Богослуженіе одправляти якъ слѣдъ. Вмѣсто, чтобы держатися старинного, греческого Богослуженія, мы дадаеме богато нового и то такого, что его тяжко зрозумѣти не лишь тому, кто слухае, але навѣть тому, кто читає“. И се говорить про ваше Богослуженіе.

— Ось вамъ чистый, греческій обрядъ — говоривъ дальше о. Петро. — Не дивота, что одъ такого греческого обряду одхрещуеся 15 миллионовъ старообрядцовъ, якихъ выкляла россійска Церковь за се головно, что они хотѣли держатися старинныхъ, греческихъ обрядовъ. Отсе то старообрядовцѣ зъ своею любовію до стариннаго, греческого обряду прихильнѣйше односяться до каѳолическої Церкви, чимъ до вашоѣ державноѣ, россійскої, одъ якоѣ одчулися.

— Але все такѣ е оно грѣхомъ заводити змѣны въ обрядѣ — одозвався хворый.

— Се залежить одъ того, кто заводить змѣну — одповѣвъ о. Петро. — Самому священникови сего робити не вольно, бо священникъ не має власти рядити въ Церкви. Онъ мусѣть у всѣмъ слухати своего епископа. Але коли се зробить церковное начальство, тогды вольно, бо церковнѣ обряды суть заведенѣ людьми, а не Іисусомъ Христомъ, то и людямъ вольно робити въ нихъ змѣны.

— Въ св. обрядѣ не можно заводити ніякихъ змѣнь та додатковъ — перервавъ хворый.

— Добре, — сказавъ о. Петро. — А что Вы думаете про св. Іоанна Золотоустого? Ци онъ бывъ Святымъ, ци онъ бывъ щирымъ пріятелемъ греческого обряду, ци онъ робивъ что небудь, что могло выйти на шкоду св. вѣры та греческого обряду? А може никто больше не позаводивъ змѣны въ греческомъ обрядѣ, якъ сей великий Святитель. Онъ скоротивъ Службу Божу св. Василія Великого, а зробивъ сеproto, что она на его часы уже была за довга. Онъ змѣнивъ способъ св. Причастія, запроваджуючи уживаня ложочки. Передъ тымъ вѣрнѣ доставали Найсв. Тѣло на долоню, а Найсв. Кровь пили прямо изъ чаши. Ци онъ бывъ ворогомъ св. греческого обряду, ци онъ хотѣвъ его златинцити?

— А св. Василій Великий, ци не зробивъ передъ нимъ того самого зъ Службою Божою св. апостола Якова. Чуете! Онъ скоротивъ Службу Божу, яку уложивъ самъ апостолъ, ученикъ самого Божественнаго Спасителя, что видѣвъ на властнѣ очи першу Службу Божу, яку одправивъ Іисусъ Христостъ въ четверть передъ своими муками. Ци онъ зробивъ зле? Нѣть! Цѣла Церковь величае его великимъ Святымъ.

— А св. Іоанъ Дамаскинъ? Ачай онъ не уложивъ тысячу новыхъ пѣсень и повводивъ ихъ до Богослуженія? Ци сихъ Богослуженъ не было передъ тымъ? Нѣть! Они были, только ихъ одправляли инакше. Видѣвъ св. Дамаскинъ, что они уже не надаються, отже позаводивъ змѣны. А св. Прокль, кто запровадивъ до Службы Божої пѣсню: „Святый Боже“, а богато иншихъ, ци они робили зле, ци черезъ тѣ змѣны обрядъ не зоставъ греческимъ? А святъ Отцы руськѣ, ци не заводили змѣни въ обрядѣ, ци не додавали новыхъ Богослуженій?

(Продовження).

## Въ оборонѣ вѣры.

**Самыхъ себе осуждаютъ.** Нашимъ шизматикамъ уха коле, коли мы скажемъ имъ правду. Казалисьме имъ уже тогы, коли лишенъ бралися зъ схизмою, что одѣ плодовъ познати дерево. Не вѣровали. Теперь пакъ чую, якъ говорить оденъ схизматицкій газда въ Нересницї (Марм.) нашимъ людямъ, у которыхъ опять подпалили сѣно. „Уже не можъ выдергати“ — каже — „что робитъ наша схизмат. партія. Чимъ стръчається зъ однимъ изъ межіи вашихъ (гр. каѳ.) людей, цисе лишенъ зоне голову, чтобы ня не видѣвъ, бо соромъюся!“ А другій схизм газда поправить: „Но сесе ганьба. Ничъ инише, лишь изробиме размѣтку на село, та заплатиме имъ сѣно!“ — Но и потому...? Можетъ еще и дале осганетеся замилованѣ въ схизму?

„О) не смѣшишамъ кѣснал сѣрдцемъ, єже кѣрокати ѿ всѣхъ, что Духъ Святый каже: „Прѣмъ тѣхъ оуклонялсѧ оуклонитсѧ ѿ злѣ: кезвѣній же на сїе надѣлакса смѣшаватсѧ съ кеззаконіемъ“. (Лук. 24., 25., Притч. Соломон. 14., 16.) Кр.

**„Якъ Вамъ добрѣ унійтамъ“.** — такъ привитае оденъ головный схизматицкій кураторъ нашихъ гр. каѳ. вѣрниковъ. Въ недѣлю по Вѣчерни схизматики стоять передъ своимъ костеломъ. Сважаються на мѣстахъ на звонахъ, на попахъ. А мы тихенько идеме собѣ до церкви и изъ церкви. „Вы собѣ жсіете“ — говорять схизматики — „якъ ангелы. Не сваїкается нигда. А у насъ не пройде ани одна недоля, або свято безъ споровъ и згады“, — Та то такъ... такъ... „Мы, видите — съйтъ изъ нашего малого блюда а Вамъ и изъ великого не доста“, — кажуть гр. каѳолики.

Жалуеме Васъ братя! Но самъ съте собѣ виннѣ... Слухалисьте брехливыхъ пророковъ, говорящихъ вамъ о правахъ большенства. А теперь пакъ и самъ свѣдчише, что: „Аклѣ праќедныхъ живѣтъ ткачы: плодоке же нечестивыхъ грѣхи“. (Притч. Сомом. 10., 16.) (Изъ Нересницї). Кр.

**Посварилися межи собою.** Межи схизматиками суть двѣ партії. Одна хоче сербское верховенство, а друга чеськое. Першѣ мають за епископа Досифея, а другѣ Савватія. Мѣсяця августа Досифейцѣ выдали брошурку противъ Савватія и его батюшковъ, въ которой дуже грубо напали на нихъ. Уживанѣ въ сей брошурѣ такъ слова, якъ указуютъ на дуже низкій уровень писателя. Навѣть не щадить самого константинопольского патріарха считаючи и его ворогомъ Христа и Церкви.

Наводиме туй даськолько речень изъ сеѧ брошурки:

„Врагъ Церкви Господней — пише брошурка — черезъ константинопольского патріарха Мелетія подославъ до тебе, карпато-русскій народе, слугу своего Савватія изъ Праги. И онъ своего плана лостигъ. Приходы разбитѣ, между священниками (баткшками) не є единомысліе, оденъ тягне до бѣса, а другій до лѣса, а третій только для свого черева живе“.

Что до учености батюшокъ каже:

„Боголѣпъ свою школу кончивъ въ хлѣвѣ русского монастыря, Гангуру коло шустерского копыта, а Кенизъ коло бубна бохтерскаго въ Копашневѣ... Дѣтина, что окончила IV: класы народнѣ школы е больше учена, якъ сѣ ученѣ батюшки“.

Такими а и еще грубшими нападами наповнена та брошурка схизматицка. Мы, навпередъ знали, что дѣло дойде до сего. Что е основано на ненависти противъ Церкви Христової, то довго не може держати. И головно тамъ, где такѣ малограмотнѣ люде згромадилися, якъ нашѣ батюшки. Въ згодѣ жити, до того треба великоѣ интеллекціѣ и нѣжности душевноѣ. А якъ разъ сего не е у батюшокъ. Будуть они сваритися, доки лишь жиги будуть. Се е кара зато, что одорвалися одь живого пня Христа. Народе руській протри своѣ очѣ и дивися, куды тя завели твоѣ „апостолы“!

**Своеродныій способъ обороны вѣры.** Каждый христіянинъ має оброняти свою вѣру противъ вороговъ и если потребно, за ню и умерти. Такъ робили и давнѣ мученики и по ихъ примѣрамъ поступаютъ и нашѣ вѣрнѣ греко-каѳолики. Николи не уживають средства незаконнаго, николи не нападаютъ на житя и маєтокъ непріятельовъ. Знаютъ, что правда на ихъ сторонѣ и зато хотя постоянно, але все лише законными средствами боролися за свою вѣру, церковь и церковнѣ маєтки. И такъ и досягли своеѣ цѣли. Правительство за рядомъ передае гр. каѳоликамъ схизматиками ограбленѣ церкви, фары и церк. земль.

Цѣлкомъ иншакъ дѣся оборона „вѣры“ у схизматиковъ: Одень примѣръ изъ многихъ. Пишутъ намъ:

„Въ Широкомъ Лузѣ передали намъ церковь. А якъ стали на оборону своеї вѣры схизматики? Ачай по примѣру апостоловъ, або мучениковъ! Але что! Подъ часъ. Службы Божоѣ згромадилися передъ церковю и не допушали гр. каѳоликовъ до церкви. Якъ выйшли гр. каѳолики (10—12) изъ церкви, почали свистати, кричати, лаяти и камѣня на насъ метати. Самъ священникъ лише подъ охороною жандаровъ могъ выйти изъ села. Другій день подпалили Танчинецъ Илю зато, что въ недѣлю смѣвъ пойти до церкви; у два дни про саму ту причину подпалили 40 возвовъ сѣна(!) у Брадаюкъ Іосифа. Въ селѣ выдали гасло: кождого подпалити, кто смѣє ходити въ гр. каѳ. церковъ“. Отже се е у нихъ „оборона вѣры“. Можуться ганьбити, что такъ далеко одступили одь Христа и такими діяволскими оружіями оброняють свою схизму. Дѣйстно изъ плодовъ ихъ познаете, якого рода суть они. И скажѣть, ци можъ про нихъ такъ писати, чтобы не закипѣла кровь въ чоловѣцѣ, видячи ихъ поквальнѣ дѣла въ „обронѣ схизмы“?!

## ❖ Мѣсячное намѣреніе на Януаръ ❖

„Чтобы перестало гоненіе христіянъ въ Мексику“.

„Се ѿзж посылаю вѣкъ йагици посредѣ волкозѣ“. (Лук. 10., 3.) сказавъ Божественный нашъ Спаситель высilaющи своихъ учениковъ

на проповѣданя Божого слова. Кто не знае, яка доля чекає бѣдну безборонну овечку помежи голодними вовками? Раны, болѣ, терпѣння, смерть, загибель! На терпѣнія, гоненія и на смерть приготовляє Господь тоже своихъ Апостоловъ въ Великій Четверъ въ своеімъ пращальномъ словѣ. (Іо. 15., 14. слѣд.) Та не лишь апостоловъ и ихъ наслѣдниковъ, благовѣстниковъ Евангелія мали чекати терпѣнія, але всѣ исповѣдники Христовѣ по словамъ Господнимъ мають быти готовѣ на кресты, терпѣнія и переслѣдованія.

И сповнилося слово Господа Іисуса! Св. Церковь тяжкою терпистою дорогою мусить поступати навпередъ. Кажду душу мала она позыскати працею, борьбою, кровію. Кровами слѣдами записала св. Церковь свої путя спасенія. Черезъ цѣлѣ три вѣки поганство лютовало надъ Христовыми исповѣдниками. Безбожнѣ нѣхристи цѣсарѣ, министры, губернаторы, генералы, чиновники усѣхъ средствъ уживали, чтобы стерти зъ лица землѣ имя христіянское. Рѣками плыла христіянска кровь, яку проливало поганство въ имѧ поступа, свободы и культуры. Молодѣ и старѣ, худобнѣ и богатѣ, ученѣ и неученѣ, священники и вѣрнѣ кровію припечатовали свою вѣру въ Господа Іисуса. И хотяй по три столѣтію гоненію св. Церковь дочекалася красшихъ хвиль, но се довго не тревало. Зачиналися новѣ гоненія и новѣ терпѣнія. Врата пекельнѣ зневоленѣ мужествомъ и терпѣніями христіянѣ до отвороту, знова гуртовалися и зъ новою заилостію наступили на Христове стадо, св. Церковь. Здаваю бы ся, что въ нынѣшнихъ часахъ, часахъ поступу, свободы и культуры, св. Обручниця Христова зазнае почести, узнанія и буде тѣшигися повною свободою у сповненію своего высокого посланництва. Та де тамъ! Модерное поганство, котре завладѣло многими державами и правительствами по обдуманому планови береся до борьбы зъ Божимъ Царствомъ на земли. Парламенты ухвалюють законы безбожнѣ, противнѣ Божимъ законамъ а тяжко кривдячѣ Христовыхъ исповѣдниковъ. Передъ у сїй безбожной борьбѣ веде нынѣ правительство Мексика, котреое подъ проводомъ безбожного президента Calles-а хоче уничтожити Христову Церковь на мексиканской земли, котра вѣю, что у неї е доброго и здорового, завдячуе саме св. Церкви. Неразъ мы уже писали въ Благовѣстнику за терпѣнія христіянъ въ Мексику. Сердце здрѣгаєся а перо одказує послугу, коли хочешъ описовати знущаня надъ христіянами. Св. Римскій Отець Пій XI. недавно въ окремомъ письмѣ завзываю всѣхъ христіянъ цѣлого свѣта о молитвы за переслѣдованныхъ въ Мексику. Членамъ же „Апостольства молитвы“ поручає въ окремѣшный способъ на сесь мѣсяць молитися за нашихъ братовъ и сестеръ, котрѣ страждають въ Мексику одъ безбожниковъ за свою вѣрность для Христа, чтобы Господь небесный уразумизъ гонителей, абы залишили безбожное дѣло, та чтобы вѣрнымъ давъ крѣости и силы, абы выдержали до конца. Молѣмся о се горячо!

[В. С.]

## ИЗЪ СВѢТА И ЦЕРКВИ

**Рѣдка подѣя.** Въ маломъ французкомъ селѣ Робо, кончилося недавно краснос, але рѣдкое торжество. Восемъ молодыхъ священниковъ, котрѣ походили изъ сего села, кончили наразъ въ одномъ дни першу Службу Божу. Построено въ сей цѣли 8 окремыхъ престоловъ и при каждомъ изъ нихъ молодѣ священникъ первый разъ приносили Богу небесному безкровну жертву. Якъ мило и любо было отцямъ и материамъ, та прочѣй родини быти притомными на такомъ небываломъ торжествѣ? Якѣ нѣжнѣчувства, радости и вдячности взносимся изъ сердецъ молоденькихъ слугъ престола. Дасколько молодыхъ клериковъ сидѣло въ першихъ лавкахъ (тоже изъ того села), котрѣ приготавлялисѧ до священичого стану. Ци пайшовъ бы у насъ такое село? Сколкъ то е нашихъ руськихъ сель, котрѣ не выдали анѣ одного священника! Добрый, ревный священникъ е щастємъ и благословеніемъ для родинъ, громады и народа, изъ котрихъ выросъ. Боже, дай намъ много добрыхъ и ревныхъ священниковъ! Молѣмся о се, братя и сестры во Христѣ!

**Родина, якихъ мало.** Въ Франціѣ живе одна родина, въ ко-  
рой братя и сестры суть одѣ 72, до 91 рока. Найстаршій братъ має 91  
лѣтъ, бывъ за довгѣ роки городонаачальникомъ; еще нынѣ держиться  
добрѣ и свободно працує. Молодшій братъ зовеся Фридрихъ; ему те-  
перь 87 роковъ. Колись бывъ ректоромъ духовної семинарії и епи-  
скопскимъ викаріемъ. Сестра Марія 84 лѣтна и есть монахинею. Евгенови  
теперь 82 годы; онъ жонатый и має восьмеро дѣтей. Іосифъ має 78 го-  
довъ и е членомъ Чина Лазаристовъ. Адріянъ, якому 76 годовъ, е мона-  
хомъ міссіонаремъ въ Индії. Еронимови, онъ ремеселникъ, уже 74  
роки. Наймолодша Емилія, е є нѣврому уже 72 роки, е монахинею у  
сестеръ Милосердія. Дѣйстно дивна родина!

„Велій еси Господи!“ Такъ спѣває священникъ на водосвятію.  
И поправдѣ жадное людское слово не потрафить достойно звеличati  
Божѣ чудеса. Ось что сталося недавно на Чехахъ коло Праги. „Од-  
ної ночи такъ розповѣдаe о. Шахъ приходникъ изъ Михла — о пер-  
вой годинѣ войшовъ до моеї комнаты мой церковникъ, з будивъ мене  
и казавъ менѣ, что треба ити до хвороѣ. Притомъ сказавъ менѣ имя  
хвороѣ и число и нумеръ дверей. Я казавъ ему пойти до церкви при-  
говити всьо, что треба до хворого, а я доразъ прїду. Церковникъ  
выйшовъ.

Я скоренько одягнувся, іду до дверей; дверѣ замкненѣ на  
ключъ. Доперва течерь думаю собѣ: якимъ же чиномъ церковникъ  
могъ прїти до мене, кедъ дверѣ замкненѣ? Всячину собѣ мѣрковавъ.  
Може быти, что я вечеромъ не замкнувъ дверей, тай таcъ войшовъ  
церковникъ, по его одходѣ може дверѣ самѣ даякъ замкнулися.

Иду до церкви. Та бо и церковь замкнена. Еще больше дивуюся, что сталося зъ моимъ церковникомъ. Иду я до его хижъ и на мое диво застаю его дома, якъ онъ смачно спить. Буджу его, а онъ повѣдае, что о нѣчомъ не знаю. Пошли мы оба до церкви, взявъ я Найсв. Тайны и елей и идеме на сесю улицю и до того дому, якъ было менѣ скажано. Прійшовши звѣдуемся, ци е туй да-кто хворый? Айно! Кажуть намъ, на третомъ поверсѣ лежить хвора одна жона подъ числомъ тымъ а тымъ и звеся она сякъ и сякъ. Саме такъ, якъ я чувъ въ своей хижѣ. Зачудовалася хвора жона, увидѣвша мене изъ Найсв. Тайнами. „Богу дяковати, что Вы, отче духовный прійшли! О повночи зробилося менѣ дуже недобрѣ; смертельний потъ вдаривъ на мене, силы мене цѣлкомъ опустили, что и рушитися не годна была, а туй еще нѣкого не было коло мене. Я лемъ молила Бога, чтобы давъ менѣ даякъ дочекати рана, чтобы можна приняти св. Тайны. А ось предобрый Богъ самъ посылае Васъ. духовный отче, до мене“. Потомъ богобойно высловѣдалася (а бывъ у неѣ звычай часто сповѣдатися) и покрѣслена небесною манною и св. Елеопомазаніемъ чекала на смерть. Ранокъ заставъ еѣ уже мертвою; душа еѣ перенеслася до вѣчности.

По правдѣ мусиме подивляти Божѣ дороги. Господь не лишає тихъ, котрѣ ему щиро служать. Онъ учинить и чудо, ось якъ во семъ случаю пославъ свого Ангела, чтобы въ особѣ церковника пошовъ до умираючої и заосмотривъ еї на дорогу до вѣчности.

Служѣмъ Богу небесному и прилѣпляймсѧ до него. Онъ нась не опустить ни во животѣ, ни при смерти. Жійме богобойно, по христіянски, бо якій животъ, така смерть! (Руски новини).

**Что пише протестантъ про протестантизмъ?** Проф. Ганзеніюсь помѣстивъ въ протестантской новинцѣ „Гохбірхе“ цѣкаву статю, въ которой межи иншимъ пише, тто: 1) Реформаційный рухъ, который зачався 1517 р. здѣлавъ много доброго, але тоже много злого. Я повѣвбы, что прогнавъ онъ одного чорта, а прикликавъ съмохъ іншихъ, горшихъ одъ первого. 2) „Реформацію“ треба по правдѣ назвати „деформацію“ (безображеніе). 3) Протестантизмъ е подобный до блудного сына, а каѳолицка Церковь до сына, который лишився въ отцевскомъ домѣ. 4) Каѳолицка Церковь латинскаго обряду и греко-каѳол. Церковь се части правдивоѣ Церкви. 5) Зреформована Церковь се е протестантска (кальвинска) е зле зреформована. И мае много хибы. 6) Теперѣшній станъ протестантизму сякій: Вѣруючѣ одиницѣ середъ великої масы, котра иде на загибелъ. Безвѣріе чторазъ розвивається, число вѣрующихъ уменшается. Въ протестантизмѣ многѣ находять смерть, а лишь даякѣ случайно мають искорку живота“. Ось такъ пише самъ протестантъ. На жаль у насъ знайшлися сякѣ перевертнѣ, что за юдинѣ грошѣ хотятъ нашъ рускій народъ втягнути въ кальвинское безвѣрное багно, а одорвати одъ единѣ, святоѣ, соборноѣ (каѳолическоѣ) и апостольскоѣ Церкви Христовоѣ. Варуймсѧ ихъ блудноѣ науки и безвѣрія!



# ДОПИСИ



Почтенный Пане Редакторе!

Пишу вамъ накоротко, якъ мы живеме въ Росуши подъ гнетомъ схизматицкимъ. Е нась до 20 нумеровъ, але церкви не маеме, бо подпалили схизматики, думаючи, что черезъ се пристанеме и мы до „подпальчовъ“. Але я утѣшаю нашихъ вѣрниковъ тымъ, что лишь бунинокъ згорѣвъ, а Церковь Христову не одолѣютъ врата адова. И хоть якъ будете нась палити и убивати, всѣхъ нась, котрѣ на цѣломъ свѣтѣ есме, не настрашите. Казавъ имъ. Дивѣтесь за два роки что принесло для насъ святе православіе? Шкоды до 180 тысячъ коронъ и постяннѣ безчестя и сварнѣ въ сель. Та ци се Христова вѣра? А дѣти нашѣ ростуть безъ науки уже три роки. Минувшого року бывъ у насъ якійсь учитель, но дуже малый хосенъ бывъ изъ него, бо лишь въ корчмѣ сидѣвъ зъ схизмунами, доки го не набили добре и выгнали изъ села.

А изъ батюховъ уже третій е у насъ; одень дѣдо и баба поклали церковь для схизматиковъ, а люде є є называютъ „паращиною“. Батюхи все хотять большу платню; разъ комитетъ осудивъ для нихъ 20 кор., потомъ подняли на 24, а теперь хоче 30 коронъ. А дѣло такъ стоить, что сею грошеву коблину однѣ платять а найбольша часть села не хоче ничъ платити и теперь хоче ити до Рахова. Прійшли изъ Рахова два возы за батюхомъ, але нашѣ шизмуны позычали батюхови 300 коронъ и такъ остався на дале. Батюхъ называється Митро Росоха.

Коли перший батюхъ бывъ у насъ, та згорѣли: церковь, одень хлѣвъ, одна хата, зновъ еще одна хата и хлѣв з сѣномъ (4 возы). Коли пошовъ батюшка, та перестали пожары. Но мы сихъ пожаровъ не дуже страшилися хоть дуже на насъ угрожовалися. Бо Богъ небесный помагавъ намъ и наша мила газетка обороняла насъ и оброняє насъ, чтобы съме могли смѣло боротися зъ вовками у овчихъ кожахъ.

Теперь еще маеме одну велику кривду. Не поручають намъ вѣсѧ числа Благовѣсника (6 чисель пропало). Мы увѣренъ въ томъ, что администрація послала, але въ нашомъ сель порядка нема. Варташъ, котрый изъ почты одбирає письма, ташки не має; почту найпершъ принесе до батюха; батюхъ перепозирає а потомъ несе дружникови. А изъ Благовѣсника все 1 число задержать для себе.

Просиме, най будуть добрѣ, пораду намъ дати въ семъ дѣлѣ.

Поручаюся:

Стефанъ Грицакъ.

\* \* \*

(Дѣло зъ почтою буде заявлено до Кошицъ, до дирекції почт.)

Росушка, 13. XII. 1926.

# НОВОСТИ

## НА НОВЫЙ РОКЪ.

Написавъ: СТЕФАНЪ РОСОХА, уч. V. гимн. въ Береговѣ.

Начинайте милъ братя  
Щастливо новый рокъ,  
А все лихо, что стрѣтите,  
Одкидайтe на бокъ.

Поборюйте все неправду,  
А правды держѣтесь,  
А во вѣрѣ христіянской,  
Сильнѣйше скрѣпѣтесь.

Чтоб' не было межи вами,  
Якихъ маловѣрцовъ,  
Або якихъ — еще горше,  
Безумныхъ роздорцовъ.

З'единѣтесь и всѣ станьте,  
Подъ Божимъ прaporомъ  
И покажѣть, что вы есте,  
Христянскимъ народомъ.

Что во згодѣ будемъ жити,  
Господу служити,  
Свою святу; родну вѣру,  
Понадѣ все любити!

Най вкоренить у васъ любовь,  
Чрезъ цѣлый новый рокъ  
И щастливо, мирно жїйте,  
Якъ то приказавъ Богъ!



— Вернули намъ уже и Лучанську церковь. Было колись...

коли схизматики такъ дивилися на Вел. Лучки, якъ на непоколебиму крѣость и твердыню схизмы. Всѣ зайди батюшки въ Лучкахъ до-стали сельску принадлежность, всѣ москофилѣ-кацапы, котрѣ у насъ розсѧли зерно роздора языкового и религійного въ Лучкахъ мали тепленъкое гнѣздо... Гагатко зъ помочію лучанскихъ схизматиковъ розбивавъ нашѣ народнѣ институції и выповѣвъ намъ борьбу. Изъ Лучокъ дувъ найострѣйшій вѣтеръ противъ нашоѣ вѣры, Церкви; схизматики кацапы въ Лучкахъ мали той замокъ; зводки намѣряля замотати насъ въ вѣру „истинную русскую“ схизматицкую, и такъ вынародовити нашъ народъ и нашу интелигенцію. Въ селѣ пановавъ такій лютый настрой противъ гр.-каѳоликовъ, что туда гр.-каѳоликъ и не смѣвъ вступити; лучанскѣ схизматики походили цѣлу околицю бунтующи народъ и переводячи ихъ на схизму. Лучки были колись огнищемъ схизмы и твердынею кацаповъ-схематиковъ...

Было колись... Але днесъ уже нѣть. Люде розпалилися, а потомъ вытвerezилися... Увидѣли, что Гагатко, Цуркановичъ, Нечай и другѣ „великорусские“ не принесли рай для них, але скорше горе и пекло. Батюшка чужинець Иличко якъ добре ся збогативъ, лишивъ ихъ и пошовъ до Моравіѣ. Бѣднѣ схизматики осироченѣ почали розпадатися. Однѣ пристали до суботниковъ, другѣ до баптистовъ, зновъ другѣ стали просто безвѣрными. И зъ огляду политики зробили рѣшучій фронтъ противъ Гагатка, бо на послѣдніхъ вѣбрахъ партія

Гагатка (ческа соціалистична) достала лише 188 голосовъ. И такъ въ Лучкахъ, где колись горѣла схизма, лунали наказы батюховъ, торжествовала ересь... все утихло, люде добре выспалися, пртерли очи и пробудилися изъ сна...

А наконци 2-го децембра по пол. о год. 3-ой, нагло появилася жандармерія въ селѣ, и заявила, что законна власть передала церковь гр.-каѳоликамъ. Епископскій высланникъ о. Ал. Ильницкій заразъ пересвятивъ церковь и одъ того часу порядочно ходять люде до церкви, и отправляютъ священники Богослуженія.

Было колись... коли на отпустѣ въ Мукачевскомъ монастырѣ лучанскѣ вѣрники мали найбóльшу и найкрасчу процессію. Всѣ держалися до св. Матери Церкви, спокой бывъ въ селѣ и миръ въ сердцахъ... Потомъ появилися вовки въ овечихъ кожахъ, проповѣдники россійскоѣ схизмы и перевертали село. Лайки, процессы, выдатки, екзекуціѣ, гнѣвъ, ненависть, безвѣріе и пр. означаютъ панованіе чужинцовъ агитаторовъ. И все розвалили, что нашѣ предки такъ довго будовали.

Але на розвалинахъ Вел. Лучанскихъ мається збудовати сильный замокъ вѣры гр.-кзѣоліческоѣ! Лучане не мають николи забывать горькѣ роки панования ереси и больше разъ не датися зводити хитрими агитаторами!

— **Христіянськѣ школы.** Въ Польщѣ безбожнѣ учитель зойшлися на собраніе, на котромъ пожадали, чтобы выхововалися въ школѣ безъ Бога, и чтобы въ школѣ не учили катехизма. Противъ сего несправедливого и поганского желанія рѣшучо запротестовали христіянськи родителѣ дѣтей по цѣломъ краю. На сяку рѣшучу поставу свѣдомыхъ христіянъ присѣли безвѣрнѣ панчуки, котрѣ мѣсто вскѣпляти правду и добро въ сердця молодежи желають отровити и погубити еї блудомъ и поганымъ безвѣріемъ. Доходить до насъ сумнѣвѣсти, что и на нашей Подкарпатской Руси знайшлися на жаль уже подаякѣ опоганенї учитель (якъ прим. в селѣ З. на Верховинѣ), котрѣ хотяй сами училися въ греко-каѳолицкой школѣ, намагаються розсѣвати по нашихъ селахъ поганство и безвѣріе (абы лишь приподобати панамъ „*bez vyzpaní*“) и карають дѣтей за се, что они поздоровляють духовного отца нашимъ краснымъ: „Слава Іисусу Христу“ Противъ сякихъ выродовъ повинно бы запротестовати наше вѣруюче учительство, а родичѣ дѣтей най укажуть сякимъ продайнымъ „просвѣтителямъ“ путь туда, где перецъ росте! — Най сесѣ выроды своимъ поганскимъ „Здрасвуйть!“ не заступаютъ намъ нашего мылого христіянскаго „Слава Іисусу Христу!“

— **Новинка для дѣвчатъ „Лелія“.** Дня 20. децембра вийшло першое число илустрованої новинки для дѣвчатъ и женшинъ. Газета-мѣсячникъ с...

посвячена Найсв. Сердцю Іисуса и стоять подъ покровительствомъ Непорочного Зачатя. Предплата на рокъ 24 Кч. и админалтрація: Ужгородъ, Кап. ч. 9.

— Изъ нашоѣ епархіѣ. Ник. Микуланинецъ духовникъ въ Линцяхъ 30-го нов. въ Мукачовѣ умеръ. — Юлій Марина док. богосл. 19-го дец. бывъ рукоположенъ на священника. Першу св. Службу жертвовавъ 26-го дец. въ каѳедральномъ храмѣ въ Ужгородѣ. — До Малого-Березного выименованый парохомъ о. Викторъ Шуба изъ Петрика. — Преосв. Епископъ Пётро выдавъ строгое розпоряженіе духовникамъ, въ дѣлѣ выучованія релігії въ елементарныхъ школахъ. — Преосв. епископъ Пряшевскій перебыває въ монастырѣ въ Ужгородѣ; въ короткій часъ одходить до Риму для рукоположенія.

— Русская Земля и схизма. Ся газета стала уже цѣлкомъ въ службу схизматиковъ. Каждый батюшка, (который уже знае дамало писати), въ ней помѣщує свою мудrosti. Не давно якійсь Долиничъ нападає въ ней на Благовѣстникъ и въ своей гордости поровняє себе зъ апостолами. Солодкій батюшко, ци апостолы учили убивати людей, перестати путь вѣрникамъ, розширяти брехнѣ, отровити колодязѣ, подпалити хижѣ, стодолы, языки вырѣзати скотамъ и пр.? А се роблять вашъ вѣрники. Але зато чтось правду має и п. Долиничъ. Подобный и онъ, але лишь до одного апостола, до Юды. И той зрадивъ свою вѣру и одступивъ одъ Христа. Такъ якъ онъ.

— За вѣру. Въ Мексику одного чоловѣка им. Durango осудили на смерть. Прочто? Бо смѣвъ дати покрестити свою дѣтину! Коли о се дознався священникъ, заявивъ, что онъ готовъ мѣсто него умерти. Але вѣрникъ на се не приставъ и сказавъ: „Я за мою вѣру вдячно умру. А мою доньку вручаю Провидѣнню Божому“. Сказавъ и умеръ. Ци не суть еще правдивъ християне на свѣтѣ?!

— Злоба схизматиковъ. Изъ Волового пришла процессія до Имстичова на праздникъ Рождества Богородицѣ. Коли люди ишли черезъ село Лисичое, схизматики напали на нихъ камѣнями и кѣряли ихъ; одному Вегешъ Федорови и голову розбили камѣнемъ. Красна то вѣра, котра зъ камѣнями розширяє свою науку. И се одъ кого научилися? Ачай одъ Христа, або одъ апостоловъ? Певно что нѣть, але одъ своихъ некультурныхъ батюховъ. Сякъ дѣла „святому православію“ причиняють лише ганьбу передъ цѣлымъ христіянскимъ свѣтомъ.

— Торжественіѣ монашѣ обѣты. Дня 28. новембра въ Креховскомъ монастырѣ зложивъ торжественіѣ монашѣ обѣты Впр. о. Павелъ Гайдичъ ЧСВВ. назначенный апост. адмін. для Пряшевскої епархії. Обѣты принялъ и св. проповѣдь выголосивъ о. С. Соцоловскій ЧСВВ.

## КЪ НАШИМЪ ЧИТАТЕЛЯМЪ.

Наша газета заслугує на якъ найбільшое розширеніе. Она отверто и смѣло виступає въ борбѣ противъ безвѣрія и ересі, изъ котрихъ є довольно много на Подк. Русії. Одночасно подає душевний кормъ христіянської науки. Якъ колись жиды одною рукою бо-

ролися противъ вороговъ, а другою будовали стѣны Іерусалима, такъ „Благовѣстникъ“ и обороняе и будуе Церковь Христову меже Русинами. Такому совѣстному борцеви, каждый свѣдомый христіянинъ має помагати. Помочъ для „Благовѣстника“ состоять въ томъ, что:

1. Всѣ читатель заплатять свой довгъ за передплату.

2. Каждый читатель придае еще одного передплатника на 1927 рокъ.

Лишь сею помочию можеме успѣшно продовжати нашу оборонительну и будуючу працю на полю борьбы. Говоряме слова Пія Х.. головного пастыря Христ. стада: „Дармо будете будовати церкви, если не будете мати добрыхъ новинокъ, зъ которыми оброняете ихъ“.

Предплата „Благовѣстника“ на рокъ: 10.— Кс.

Редакція и администрація: Ужгородъ, Раковци ул. 52.

## ПУБЛИЧНА ПОДЯКА.

Священникъ Георгій Ковачъ заславъ для „Благовѣстника“ 30 Кч., что зобрали вѣрники его въ селѣ Reminy (Словакія) на праздникъ св. Николая.

Радостно помѣстиме нашу публичну подяку за сей милый дарунокъ, бо добре намъ упаде, что и другъ оцѣнюють нашу роботу въ обронѣ вѣры. Най Господь Богъ заплатить симъ ревнѣмъ вѣрникамъ и ихъ душпастырю о сторазъ. Най служать они примѣромъ для другихъ.

## ПЕРЕПИСКА РЕДАКЦІЇ

**К. А. Мукачево.** Вы замѣчаете, что Бл. даколи остро пише противъ батюшокъ. Еслибы вы читали, якъ они, одень на другого пишуть. Въ брошурцѣ выданой въ Сербії такъ выразы находяться: нехарнѣ свинѣ, пакостникъ-діяволь, злочестивецъ, прихвостникъ, вовкъ, Хамъ, Юда, продали душу свою діяволу, меракій клятвопреступникъ, всегда пяный, пяна блудница, карпаторусскій Юда и пр. И се пишеме не мы, которыхъ они считаютъ своими непріятелями, але самъ „православнѣ“ выгойкають на своихъ братовъ схизматиковъ. Мы такъ грубо николи про нихъ не писали, але что самъ схизматики такъ пишуть, то е смутный доказъ глубокого упадка схизматицкої вѣры на Подкарпатю.

**Ст. Росоха.** Берегово. Твою роздвяну статю передали „Свободѣ“.

**Рущанскимъ.** Досифеовцѣ про вашего батюшку пишуть такъ: „Не вѣрь Савватіевцу, если онъ даже родомъ изъ Россіи и живе у тебе въ селѣ Руськомъ, ибо и онъ тебѣ не другъ и не братъ — а врагъ, врагъ Православія „твой гробокопалецъ“. До сего уже можно благожелати!

**Е. Медвѣдьова.** Предплата въ порядку. Информаціѣ досталисъмъ одъ п. редактора.

**Ив. Бигунъ.** Изъ твоего дописа помѣстиме се: Говорить схизматикъ зъ гр. каеоликомъ и звѣдае: — Прочто вашѣ попы не носять вуста и бороду, коли въ св. Службѣ такъ спѣваеме: „Да исполняться уста наша хваленія твоего? — То зато милый брате, — бо уста то не только значить, якъ баюсы, але только якъ ротъ. А если ваша вѣра одъ бороды батюховъ зависить, та тогды нѣчго зъ вами говорити.

**Макканюкъ.** Въ слѣдуючомъ числѣ.